

# Denhngoz Gawjbanh Ciet Caemzgvej

## 天峨举办蚂拐节

2 nyied 20 hauh daengz 21 hauh, dwg liggaueu ndwencieng cib' it, cibngeih, Denhngoz Yen youq aen ndaw yienh Luzbaiz Cin Mbanjnazdoengh gawjbanh "Ciet Caemzgvej" hozdung, ngoenzde, daihgaiq miz fanh lai vunz camgya hozdung, gyoengq ginzung Nanzdanh Yen caeuq Dunghlanz Yen hix ganj daeuj yawj aen hozdung neix.

Youq ndaw doenghnaz va byaekyouzceh henjrwgrwg haenx, gyoengq beixnuengx Bouxcuengh ciuq fungsug ndawbiengz Bouxcuengh, yienj duzgvej gouzfuk: Caeq duzgvej, boq loxlez, roq gyonglaz, eu fwen, diuq foux duzgvej, foux cae naz ndai naz, foux dwkbya dwknyauh, foux daemjbaengz daeng, doengh gij neiyungz neix cungj dwg Bouxcuengh feihvuzciz vwnzva yizcanj hanghmoeg.

Geij bi neix daeuj, Denhngoz Yen moix bi cungj banh "Ciet Caemzgvej" hozdung, swnjcienz caeuq baujhoh le minzsuz vwnzva duzgvej, youq rangh Dahnding baujcunz ndaej ceiq caezcienz, ceiq hidungj, yingyangj ceiq daih, baenz gaiq minzcuz daegsaek vwnzva binjbaiz dangdieg ndeu.

(Liuz Yaujginh)



▲ Foux duzgoep okseiq.

► Gyoengq ginzung diuq foux duzgoep.



## Lungzswng: Daizheiq Minzcuz Vwnzva 33 Bi Hoenghhdhwd

### 龙胜: 33年不落幕的民族文化舞台

2 nyied 21 hauh daengz 23 hauh, Lungzswng Gak Cuz Swciyen gawjbanh "Daih 33 Gaiq Lajmbanj Minzcuz Vwnzyi Byaujyenj", 300 lai boubx gak cuz yenjyenz daj 10 lai aen yanghcin daeuj, gyoengqde angq dwk hwnj daiz byaujyenj, ciengq go diuq foux, danqhaenh saedceij vuenyungz ngoenzneix. 33 bi daeuj, Lungzswng gak cuz ginzung dawz aen daizheiq neix bienqbaenz aen daizheiq minzcuz vwnzva ceiq ndei ceiq hung ndeu.



▲ Dahsau Dungcuz ciengq go Dungcuz 《Go Sam Nyied》.



▲ Hungzyauz ginzung byaujyenj 《Foux Lienriva》.

## Lungzcouh: "Cietlonghdongz" Gouz Binaj Fwnraemx Cuk Ndaej Fungsou

### 龙州: "侬垌节" 祈求来年风调雨顺五谷丰登



Fouxlungz fouxsaeciej, yienj danz Denhginz, eu fwen doxdax, bau aendomq..... Neix dwg gyoengq ginzung Lungzcouh Yen Ginhlungz Cin Mbanj Hungzcauz mboengq-gonq youq ndaw mbanj angqhoh "Cietlonghdongz" cingzgingj, gyoengqde ciengq fwen diuq foux, gouz binaj fwnraemx cuk, haeuxnaz ndaej fungsou.

(Vangz Gyanghvaz)

◀ Gyoengq bouxyienj yienj danz denhginz.

## Vanzgyangh: Eu Fwen Senhconz "Cibbet Daih"

### 环江: 山歌宣传十八大精神

Haemh 2 nyied 20 hauh, Vanzgyangh Mauznanzcuz Swciyen gawjbanh "Hoihfwen Hoh Ciengnyied Cibngux Nem Senhconz Dangj Cibbet Daih Cingsaenz". Youq Gwnz hoihfwen, gyoengq canghfwen vihliux sawj hoihfwen engqgya nauhyied, ciengq le fwen Bouxcuengh — "fwenlozhajj", "fwenbyaujdoengzleh" caeuq ciengq le fwen Mauznanzcuz — "fwensozlesoz", "fwenliuxlangzle" gungh 70 lai hot fwen. 70 hot fwen neix, neiyungz cungj dwg senhconz "Cibbet Daih" cingsaenz, gyoengqde yungh lai cungj sing fwen daeuj danqhaenh dangj lingjdauj ndei, danqhaenh guekcoj fouqmiz, danqhaenh saedceij ndei ngoenzneix.

(Veiz Giveih)



▲ Canghfwen youq gwnz daiz eu fwen.

## Daizfoux Beksingq Beksingq Angq

### 百姓大舞台 群众乐开怀

Geij ngoenz gonq, Ningzmingz Yen youq yienh gvangjangz gawjbanh 2013 Ningzmingz gyaunde "Daizfoux Beksingq" vwnzyi vanjvei, 20 lai aen yisuzdonz ndawbiengz daeuj camgya vanjvei, gyoengqde gag bien gag

yienj, miz diuqfoux, miz ciengq go, miz yienj siujbinj guh mozsuz daengj, ndaej daengz yienhciegz 3000 lai boubx ginzung dopfwngz haenh ndei.

(Couh Yizganh Luz Yigenz)